

Linzwi la Mulimu Nelitile Ku Mupolofita
William Marrion Branham

“Nanula Sin’oliso Sahao Mi Un’ole”

Busihu bobun’wi Hane nibata Mulena, Moya o Kenile wanibulelela kuli ninanule sin’oliso saka ni kun’ola. Hane ni byanguzi sin’oliso kuli ni n’ole, Moya wa Hae wa nifa lin’usa la keleke. Nibata kulitisa kumina. Linani zakueza fa Linzwi ni munyaliwa.

Kise se Nilika kubulela kumina. Mulao wa lupepo kikuli sicalano kamukana sitahise sa mufuta wasona sin’i, niheba kakuya ka Genese 1:11, “Mi Mulimu ali, Lifasi litahise bucwan’i, nizemela zebeya peu ka mifuta ya zona, ni likota ze beya lico zenani peu kuzona, fa lifasi; mi kwaba cwalo.” Bupilo kaufela bonebuli mwa peu nebutahile mwa simela mi kutuha fo ni mwa muselo. Wona mulao woswana ubeilwe nifa keleke kacenu. Peu kaufela yene’kalisize keleke ikashituka ni kuba sina peu ya makalelo kakuli ki peu ye swana. Mwa mazazi a mafelelezo a Keleke ya niti ya Munyaliwa (peu ya Kreste) ikataha kwa Toho, mi ukaba keleke ye petehile, lusika lolulukile, anza Muatumela. Bani babainzi ku Munyaliwa bakaswana sina Yena kuli mane bakaba niheba mwa siswaniso sa Hae luli. Se si mwa nzila ya kuswalisana ni Yena. Bakaba alimun’wi. Bakaba ponahazo yona luli ya Linzwi la Mulimu ya pila. Likopano halikoni kutahisa se (peu ye fosahalile). Bakatahisra litumelo za bona ni lituto ze tuna za buMulimu, ze zwakilwe ni Linzwi. Lizwakisa le litisa lipeu ze lyangani.

Mwana wa pili wa mushimani (Adama) naali peu yebulezwi ya Linzwi la Mulimu. Nafilee munyaliwa kuli aitahise ili yena. Seo kona libaka munyaliwa nafilee ku yena, kuitahisa iliyena; kupepa mwana a mushimani yomun’wi wa Mulimu. Kono na wile. Nafosize kaza lizwakisa. Namutiselelize kuli ashwe.

Mwana a mushimani wa bubeli (Jesu), niyena Peu yeambozwi ya Linzwi la Mulimu na filwe munyaliwa sina mwana bezi Adama. Kono Asika munyala kale, ni yena hape musali na wile. Yena, sina musalaa Adama, na beilwe fa tatubo kana uka lumela Linzwi la Mulimu ni kupila, kamba akakanye Linzwi mi ashwe. Akakanya. Asiya Linzwi. A shwa.

Kuzwa kwa sikwata sesinyinyani sa peu yaniti ya Linzwi, Mulimu ukatahisa Kreste ni munyaliwa ya lateha. Ki njululume wa Linzwi la Hae. Yena ki njululume kakuli haazibi litumelo ze pangilwe ki batu kamba lituto za bu Mulimu. Kaniti kakufitela mwa lilama za munyaliwa sika talelezwa saani kaufela sene si sepisizwe ki Mulimu kuiponahaza ku munyaliwa.

Linzwi la sepiro lataha ku mwalyanjo Maria. Kono linzwi la sepiro lani naali Yena, Kasibili, kuiponahaza. Mulimu naiponahalize. Yena, Kasibili, Na belekile ka nako yani ni kuto taleleza Linzwi la Hae luli la sepiro ku mwalyanjo. Neli lingeloi lene limutiselize lin'usa. Kono lin'usa la lingeloi neli Linzwi la mulimu. Isaya 9:6. Natalelelize sani kamukana sene si n'ozwi ka Yena kakuli naamuhezi Linzwi la Hae ku yena.

Lilama za mwalyanjo lika Mulata, mi bakaba ni limpo za Hae, kakuli Yena ki toho ya bona, mi maata kamukana ki a Hae. Baishuwa kuyena sina lilama za mibili ya luna kwa litoho za luna.

Mulemuhe kutwano ya Ndate ni Mwana. Jesu nasikabaeza sika sesikana kufitela pili siboniswa kuyena ki Ndatahe. Joani 5:19. Kutwano ye cwale ina ni kuiponahaza mwahalaa Munyali ni Munyaliwa. Umubonisa Linzwi la Hae la bupilo. Waliamuhela. Haali kakanyi. Kabakaleo, hakuna sesikona kumu holofaza, kutokwa niheba lifu. Kakuli haiba peu icalwa, mezi akaizusa hape. Kiye kunutu ya se. Linzwi li kumunyaliwa (sina hanefili ku Maria). Munyaliwa unani muhupulo wa Kreste kakuli wa ziba Saabata kuli siezwe ka Linzwi. Waeza za taelo ya Linzwi mwa Libizo la Hae kakuli unani "kisona sa bulela

Mulena.” Mi Linzwi la fiwa maata ka Moya mi litoezahala. Sina peu ye calilwe mi ya selaelwa, ikataha kwa Katulo yetezi, inze isebeza mulelo wa yona.

Baani kumunyaliwa baeza feels tato ya Hae. Hakuna yakona kuba lyanganisa. Banani ‘kisona sa bulela Mulena’ hakusi cwalo bakuza. Baziba kuli inani kuba Mulimu kubona ya eza misebezi, kutaleleza Linzwi la Hae luli. Naasika feza musebezi wa Hae kaufela hanasali mwa bulumiwa bwa Hae mwa lifasi kacwalo Ubelekela kakufitela ku munyaliwa. Waziba saani, kakuli nesi nako kale kuli Yena aeze lika zen’wi zeo Alukela kueza cwale. Kono cwale Ukataleleza kufitela ku munyaliwa musebezi wani Wana siile ka nako ya Hae ye lukile.

Cwale halu yemen’i sina Joshua ni Caleb. Naha ya luna ya sepiso yata ya iponahaza mane sina yabona moneibezi. Cwale Joshua Nitalusa “Jehova-Mupulusi,” mi uyemela mueteleli wa nako ya maungulo yaka taha kwa keleke sina Paulusi mwanatezi kakuba mueteleli wa pili. Caleb uyemela baani bane ba yemi mwa niti ni Joshua. Amuhupule, Mulimu na tatekile Isilaele sina njululume ka Linzwi la Hae. Kono nebabata sesin’wi sesi shutani. Kona moneiezelize ni keleke ya maungulo. Mulemuhe mo Mulimu nasikazamaisa Isilaele, kamba kumu lisela kuli aye mwa naha ya sepiso kufitela hane’li nako ya Hae yetomilwe. Cwale batu neba zungubaza Joshua, mueteleli, ni kuli, “Naha ki yaluna, haluyen’i luyoiluwa. Joshua, mufelile kaufelaa mina, mulatehezwi ki tumo ya mina, hausana maata ono banga niona. Notelezanga ku Mulimu nikuziba tato ya Mulimu, ni ku beleka ka putako. Kuna nisesifosahalile ku wena.” Kono Joshua naali mupolofita yana lumilwe ki Mulimu mi naazibile lisepiso za Mulimu, kona kuli naaba litezi. Nalitezi maikuto amande-alukile a Mulimu mi nako hane’fitile ya kuzamaya, Mulimu abeya bueteleli mwa mazoho a Joshua kakuli napilile ni Linzwi. Mulimu nasepile Joshua kono isi baban’wi. Hona cwalo sika kutela ni mwa lizazi la maungulo le. Butata bobuswana, luangasi loluswana.

Amunge mutala wolubona ku Mushe. Mupolofita ya maata yo yatozizwe ki Mulimu nanani kupepwa kokuipitezi, kupepwa ka nako yeswanela ya tukuluho ya peu ya Abrahama kuzwa Kwa Egepita. Nasikapila mwa Egepita kukanana fa man'olo ni bona, kamba kuikuhumuseza baprista. Naile mwa lihalaupa kufitela batu baitukisa kumu amuhela. Mulimu na bizeлизе Mushe kwa lihalaupa. Tiyeho ne'si kwa neku la Mushe kono kabaken'isa sicaba sene sisika itukisa kumuamuhela. Mushe nahupula kuli batu bakautwisia kono neba palezwi.

Mihe kuna ni Elia kuyo Linzwi la Mulena Nelitile. Hana felize kukutaza niti mi ni sikhata sani kwa mulaho kwani sani sesili mueteleli wa Jezabele wa sikhata sa America nebasika amuhela Linzwi, Mulimu namubizize kuli azwe kwa ten'i ni kuwiseza koto fa lusika lwani kakuhana mupolofita ni lin'usa leo Mulimu nafile. Mulimu namubizelize kwa lihalaupa mi nasike kuzwela kwande niheba ku mulena. Bani bane balikile kumu hapeleza kueza cwalo, nebashwile. Kono Mulimu nabulezi ku mupolofita wa Hae ya sephahala ka pono. Kuzwa kwa kuipata na tile mi akutisa Linzwi ku Isilaele.

Mi kwataha Joani Mukolobezi, mutwaleti wa Kreste ya sephahala, mupolofita ya maata wa zazi la hae. Nasikaya kwa sikolo sa Ndatahe, kamba sikolo sa ba falisi-nasikaya kwa kopano, kono kushituka mwa lihalaupa nabizizwe kwani ki Mulimu. Napilile mwani kufitela Mulimu amuluma kuzwa ni lin'usa, kuhuweleza, "Mesia ufa kaufi."

Cwale halungeni temuso ya Man'olo fa. Kana nesi mwa mazazi a Mushe yo Mulimu nasupile kuli Kora na zuhile ni kulwanisa mupolofita ya maata yani? Nakananile ni Mushe mi aipapata kuli nanani zen'ata zezwa ku Mulimu kuetelela batu nikuli baban'wi nebaikabezi mwa sinulo ya Mulimu sina mwana ezelize Mushe. Nahanyelize maata a Mushe. Cwale sicaba kwa mulaho kwani, hasamulaho wa kuutwa Linzwi la niti mi nebanani niti yakuli mupolofita wa niti nasupilwe ki Mulimu, Nili batu bani nebawezhi ku Kora ni litaba zahae ze

Iwanisa. Kora nasi mupolofita wa mwa Man'olo kono batu mwa linombolo ze tuna ni baeteleli ba bona baya ku yena. Mo sina babuleli kacenu ni mikiti ya bona ni namani ya gauda sina ba bafumaneha hamoho ni Kora. Babonahala babande kwa batu sina Kora mwana bonahalezi fani. Banani mali fa lipata za bona, oli mwa mazoho abona ni mayekuyeku a mulilo kwa katala. Balumeleza bakutazi babasali, ba tuhelela basali babona kukuta milili, kutina tulukwe ni tuputula, ni kufitelela Linzwi la Mulimu ka litumelo za bona ni lituto za bu Mulimu. Sani sibonisa mufuta wa peu ye mwahalaa bona. Kono hasi batu kamukana bane ba fetuhezi Mushe ni kusiya Linzwi la Mulimu. Batili. Baketwa neba pilile ni yena. Taba yeswana yaezahala hape kacenu. Baban'ata basiya Linzwi kono babanwi baina ni lona. Kono muhupule nguli ya buloto ni mufuka. Mufuka unani kutamiwa n'ata kwa kucisiwa. Likeleke ze zabakwenuhi za tamiwa hamoho kakusutelana, kuitukiseza mulilo wa katulo ya Mulimu. Kono buloto bukakubukanyezwa Mun'a bona.

Cwale Nibata kuli mutokomele hahulu fa mi mubone se. Mulimu usepisisize kuli kwa nako ya mafelelezo Malaki 4 ikatalelezwa. Inani kuba kakuli ki Linzwi la Mulimu lelifilwe maata ki Moya ka mupolofita Malaki. Jesu nasupelize kuYena. Kihona feela fo Kreste asika taha kale nako ya bubeli. Kanako yataha Jesu Lin'olo kamukana linani kutalelezwa. Linako za Bamacaba likaba mwa keleke ya nako ya mafelelezo nako yataha numwana wa Malaki. Ukazamaeleta ni Linzwi. Ukalwala Bibele kamukana kuzwa Genese kuya Sinulo. Uka kalela kwa peu ya sizwalo ni kuzwela pili ni pula yamwa mulaho. Kono uka haniwa ki balikopano.

Unani kuhanika kakuli yani ki simuluho yenze ikutakela isali yona kuzwa ka nako ya Akabe. Simuluho ya Isilaele mwatasaa Akabe ya ezahala honamo mwa America koo mupolofita wa Malaki abonahezi. Sina Isilaele mwana siyezi Egepita kuyolapela mwa tukuluho, kuleleka ban'i ba na, kuzusa na, ni baeteleli babatiile sina Davida, ni baban'wi

cwalo, mihe nikubeya Akabe fa lubona ni Jezabele mwa mulaho a hae kuetelela, kona moluezelize nto yeswana luli mwa America. Bokuku aluna nebaile mwanaha mo kuyo lapela ni kupila mwa tukuluho. Neba lunduzi ban'i ba na ha ni kuamuha na ha. Banna bababundume sina Washington ni Lincoln neba hulisizwe hasa mulaho wa banna baban'wi ba mibonahalelo yecwalo habayola banna babaswanela bakuli cwale Akabe natomilwe mwa situlo sa buokameli ni Jezabele mwa mulaho wa hae anza muetelela. Kifanako yeswana sina ye foo numwana Malaki ulukela kutaha. Cwale mwa pula ya mafelezo kukataha ponahazo yafa Lilundu la Kamele. Hamubonisise se cwale kusibona mwa Linzwi. Joani naali mutwaleti wa Malaki 3. Nacalile pula ya masehulo mi na hanilwe kiba likopano za zazi lahae. Jesu natile mi nana ni ponahazo fa lilundu la kanya. Mutwaleti wa Kreste uka cala kaza pula yamwa mulaho. Jesu ukaba ponahazo mwahala likopano ni litumelo, kakuli Ukataha kuto bakwela Linzwi la Hae ni kunga munyaliwa mwa kuungelwa. Ponahazo ya pili neli Lilundu la Kamele; ya bubeli neli Lilundu leli kanya, mi labulaalu ikaba Lilundu la Sione.

Muzamao o komokisa wa Mushe, Elia, ni Joani kuzwa mwa sicaba nikuicemela baban'ata basiwa ba lyangani. Nebasikalemua kuli neli kabaken'isa man'usa abona ana hanilwe. Kono peu ne'calilwe, kucala nekufelile. Katulo ne'tatama. Nebasebelize mulelo wa bona kakuba sisupo kwa batu, kacwalo katulo neitatama.

Nalumela kuya ka Sinulo 13:16 kuli munyaliwa una ni kutuhela kukutaza kakuli sibatana sibata nombolo mwa lizoho kamba fa pata haiba tukuluho ya kukutaza ika lumelezwa. Likopano lika lwala nombolo, hakusicwalo lika hapelezwa kutuhela kukutaza. Mi Ngunnyana uka tela munyaliwa wa Hae ni kuatula lihule lelituna.

Cwale muhupule kuli Mushe nepepezwu musebezi womun'wi, kono nasa koni kueza musebezi wani kufitela aamuhela limpo zene ka mukonisa kueza musebezi. Nanani kuya kwande mwa

lihalaupa ni kuyo litela kwani; Mulimu nanani nako yelukisizwe. Nekulukela kuba Faro yomun'wi fa lubona, mi batu nebanani kulilela sinkwa sa bupilo, fo Mulimu asika mukutisa kale. Ye kiniti ya zazi la luna.

Kono kisika man'i selunani mwa mazazi a luna a? Nyangela ieza limakazo kufitela luba ni lusika lwa kubata lisupo lolu ziba zenyinyani kamba noto kaza Linzwi, kamba muzamao wa niti wa Moya wa Mulimu. Haba bona mali, oli ni mulilo ba nyakalala; hakuna taba kasesin'wi mwa Linzwi. Baka yemela sisupo kaufela, niheba zesi za man'olo. Kono Mulimu ulu lemusize kaseo. Naize mwa Mateu 24 kuli mwa mazazi a maungulo mioya yemibeli ikaba bukaufi maswe hamoho kuli konji feela baketwa babakataluhanya, kakuli kibona feela banosi babasike ba pumiwa.

Mukataluhanya cwan'i mioya fa hali? Hamuife feela tatubo ya Linzwi. Haiba hababuleli Linzwi lani, kiba ya maswe. Sina yamaswe mwana pumezi banyaliwa bababeli ba pili, ukalika kupuma munyaliwa wa zazi le la mafelelezo, kakulika kumunga kuli aizwake ili yena kufitela mwa litumelo, kamba feela kabunolo kuzwa kwa Linzwi kuya kwa sisupo kaufela sesi mulukela. Kono Mulimu nasikabe a beya lisupo fa pilaa Linzwi. Lisupo lilatelelanga Linzwi sina fani Elia hana bulelezi musali kumubesenza sinkwa pili, kuya ka Linzwi la Mulena. Hana ezize sina Linzwi mone li ambolela, sisupo sa luli sa taha. Akutahe kwa Linzwi pili mi ukabona makazo. Peu ya Linzwi ifilwe maata ka Moya.

Kukaba cwan'i kuli mulumiwa ya zwa ku Mulimu alumele feela siemba sa Linzwi ni ku hanyeza sesin'wi? Mupolofita wa niti wa Mulimu wa maungulo uka bulela Linzwi kamukana. Likopano lika mutoya. Manzwi ahae akona kuba a buhalu sina Joani Mukolobezi yana babizize linoha. Kono babane ba lelilwe pili bakautwa nikuitukiseza kuungelwa. Peu ya silena ya Abraham, yenani tumelo sina ya Abraham ikaswala kwa Linzwi ni yena, kakuli ba lelilwe hamoho.

Mulumiwa wa zazi la mafelelezo uka bonahala mwa nako ya supile Mulimu. Seli nako ya maungulo cwale sina kaufela habaziba, kakuli Isilaele umwa munzi wa habo yena. Nako ifi kamba ifi cwale ukataha kuya ka Malaki. Haluka mubona, ukaneelwa kwa Linzwi. Ukasupezwa (kuboniswa mwa Linzwi, Sinulo 10:7) Mi Mulimu ukanyakisisa bulumiwa bwa hae. Ukakutaza niti sina mwana ezelize Elia ni kuitukisa za Lilundu la ponahazo ya Sione.

Baba n'ata habana kumu utwisisa kakuli balutilwe Man'olo mwa nzila isili yebanga kuli ki niti. Haka lwanisa se, habana kulumela. Niheba baluti baban'wi baniti habana kumuutwisisa numwana kakuli kizen'ata zebizizwe Linzwi la Mulimu ki bapumi.

Kono mupolofita yo ukataha, mi sina mutwaleti wa pili hanahuwile, "Hamubone Ngunyana'Mulimu yetakula sibi sa lifasi," Niheba honacwalo kusina pilaelo ukahuwa, "Hamubone Ngunyana ya Mulimu yetaha mwa kanya." Ukaeza se, kakuli sina Joani hanali mulumiwa wa niti kwa baketwa, kona mwainezi niyena yo mulumiwa wa maungulo kubaba ketilwe ni munyaliwa ya pepilwe ka Linzwi.

(Kuzwa Mwa Siemba Sa Linako zesupa Za Likeleke)

LOZI

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org